



Convocatoria do programa “Implantación de ferramentas de medios de pagamento en formación profesional”, enmarcado dentro do convenio de colaboración entre a Consellería de Cultura, Educación e Ordenación Universitaria e a entidade financeira Abanca Corporación Bancaria S.A para o desenvolvemento de actuacións conxuntas a favor do desenvolvemento do espírito emprendedor, no marco de Eduemprende.

OBXECTIVO

Esta convocatoria ten por obxecto fomentar o emprendemento e a educación financeira na formación profesional, entre o alumnado das familias profesionais de Administración e Xestión, e de Comercio e Márketing. Esta actuación encádrase no Plan de emprendemento no sistema educativo Eduemprende.

DESCRIBIÓN DA CONVOCATORIA

Esta convocatoria vai dirixida ao alumnado de centros educativos sostidos con fondos públicos dependentes da Consellería de Cultura, Educación e Ordenación Universitaria que impartan ensinanzas de formación profesional nas familias profesionais de Administración e Xestión, e de Comercio e Márketing. As actividades para desenvolver neste programa son as seguintes:

1. Entrega dun TPV físico e/ou virtual aos centros que o soliciten, para a xeración de comercios físicos e/ou virtuais e para a aprendizaxe do seu funcionamento.

Abanca entregará a cada centro participante un TPV, para cuxa recepción o centro asinará un contrato de prestación de servizos facilitado pola entidade. O terminal será entregado ao centro en depósito, polo que este asumirá o risco da súa perda ou da súa deterioración.

Cómpre que o TPV teña actividade ao longo do curso académico, xa que máis de nove meses sen actividade suporá a baixa do servizo. Os terminais serán devoltos a Abanca cando se considere que non vaian ser de utilidade.

O centro recibirá asesoramento por teléfono ou por correo electrónico sobre a utilización do terminal facilitado sempre que o solicite; para iso designará a persoa do centro coa que se coordinará o persoal de Abanca.

2. Actividades de formación específicas dirixidas ao alumnado. Estas actividades, que terán unha duración de dúas horas, versarán sobre o funcionamento dos medios de pagamento, a tipoloxía de tarxetas e as formas de operación, novas tecnoloxías relacionadas con medios de pagamento e a súa evolución, riscos e controis que cómpre ter en conta, reclamacións, e dereitos e responsabilidades de comerciantes e compradores.

O número máximo de centros que poderán participar nesta actividade é de 10. Non haberá número máximo de alumnado participante. As datas desta formación acordaranse entre o coordinador do programa no centro e os responsables deste de Abanca.



Os centros seleccionaranse segundo a orde de entrada da solicitude no enderezo electrónico orientacion.profesional@edu.xunta.es e o maior número de alumnado participante, tendo en conta que se asignará unha actividade por centro.

3. Actividade de formación do profesorado. O profesorado interesado poderá solicitar esta actividade a través do Sistema da Formación do Profesorado.

SOLICITUDE

As solicitudes para participar nas actividades 1 e ou 2 desta convocatoria presentaranse no prazo de 20 días naturais a partir do día seguinte á súa publicación na páxina web da Consellería de Cultura, Educación e Ordenación Universitaria <http://www.edu.xunta.es/fp>.

As solicitudes enviaranse ao seguinte enderezo electrónico: orientacion.profesional@edu.xunta.es segundo o anexo I.



ANEXO I

SOLICITUDE DE INSCRIPCIÓN

DATOS DO CENTRO					
CENTRO		CÓDIGO DO CENTRO		CIF	
ENDEREZO		CP	LOCALIDADE	CONCELLO	PROVINCIA
TELÉFONO		FAX		ENDEREZO ELECTRÓNICO	
PERSOA COORDINADORA		TELÉFONO DE CONTACTO		ENDEREZO ELECTRÓNICO DE CONTACTO	
MARQUE CUN "X" SEGUNDO CORRESPONDA					
<input type="checkbox"/> Participa unicamente na actividade de entrega aos centros de un TPV físico e/ou virtual.					
<input type="checkbox"/> Participa tamén na actividade de formación específica dirixida ao alumnado. Neste caso indique:					
• Nº DE ALUMNOS/AS: <input type="text"/>					
• CURSO: <input type="text"/>					
SINATURA DO DIRECTOR/A DO CENTRO SOLICITANTE			SINATURA DA PERSOA COORDINADORA		